

中興禮書

中興禮書第一百三十六卷

吉禮一百三十六

親饗先農藉二

紹興十五年閏十一月十日禮部太常寺言今省記宣和間親應奉過節次樂曲下項 一親耕日合排設登歌宮架大樂其合用樂曲詞章皇帝出大次歸大次及親耕並宮架奏第一章乾安之曲皇帝升壇降壇並登歌奏第一章乾安之曲公卿耕藉宮架作第二章群官耕藉宮架作第三章 一親耕日護衛耒耜用儀仗鼓吹前後部諸軍樂人振作合用曲詞導引六州奉裡十二時四曲已上二項乞下學士院製撰降下付太常寺

習學詔依

詞曲具樂章門

同日禮部太常寺言續次參酌宣和禮制并條具合行事件 一依宣和禮制親耕日命有司饗先農其行事官并祇應人合前一日赴祠所致齋緣今來稻田內未曾修蓋齋宮今欲乞令臨安府踏側近寺院充 一宣和親耕禮制其所差從耕庶人并助執耒耜人等並期前於天駟監每日草習今欲乞親耕前半月就耤田草耤習 一親耕已依禮制申請下兩浙轉運司計置從耕庶人并執耒耜人欲乞從太常寺據合用人數報臨安府差詔依

十二日秘書少監兼權禮部侍郎游揆等言檢會明道二年二月十一日親耕禮畢皇帝御青城受禧殿百官稱賀畢乘輦還宮復御正陽門肆赦宣和年親耕禮畢

依議禮局所議罷禮畢稱賀并肆赦今欲依宣和禮制
候指揮詔依宣和禮制施行

十五日禮部太常寺言今續參酌條具下項 一依五
禮新儀尚舍設御座於耤田思文殿當中南向設東西
間於殿後之左右殿上前楹施簾兼觀耕壇上南向設
御帳御座及文武群官次於思文殿門外之左右契勘
今來思文殿門外地步窄隘欲乞於耤田門內外之左
右量地之宜依上件禮制令儀鸞司同臨安府預先計
置排辦 一依宣和禮禮制尚舍殿黃道并黃羅褥今
來欲乞令儀鸞司排辦 一省記合差助執御耒耜御
龍直一十二人服平巾幘絳衣革帶履鞬合欲乞殿前
司前期差撥所服平巾幘等令於祇候庫閣請 一省

記合差抬御耒耜箱九穀青箱天武官二十人服平巾
幘青羅綉對鳳嘉禾合穗衫白絹抹帶今來乞下殿前
司前期差撥其中幘等如祗候庫閑乞令工部指揮所
屬製造 一今來所差新耕庶人并助耒耜耒耜等人及
所用耕牛雖已申請前一月教習慮恐至時官架登歌
之樂作却致驚懾今欲乞從太常寺於正習儀前定一
日就耜田作樂教習三日 一依儀設從耕群官位合
用抬位版兵士一十人欲乞下殿前司差 一依宣和
禮制耆老百人常服陪位今欲乞依上件禮例令臨安
府行下諸縣呼集於正習儀前五日到臨安府祇備習
儀 一依儀盛御耒耜合用青箱二面係飾以青籍耒
耜席一領以青絹緣並乞令工部指揮所屬製造詔依

十六日禮部太常寺言檢會明道元年太常禮院言耕
田所須牲牢禮物等請詔內侍計會所司先期辦置詔
內侍劉守一等主之宣和間親耕置都大主管官係差
入內內侍省官張道濟所有將來親耕其所差都大主
管官一員乞差入內內侍省官充詔依

同日秘書少監兼權禮部侍郎游操等言太史局選到
紹興十六年親耕日辰宜用正月九日己卯十五日乙
酉十六日丙戌十九日己丑二十日壬辰即與國音

別無方碍詔用十九日

紹興十六年正月十七日太常寺言勘會正月十九日親耕

田緣今雨降未止欲乞別行選日詔依又二十日禮部
太常寺言太史局申選定宜用正月二十二日壬辰言
仍乞欲前一日習儀
次省牲省祭詔依

十七日禮部侍郎游操又言恭親國家蔚興文治始見

太平初講耕藉敦本力農風動四方事体非輕其合行
事件雖已依宣和禮制申請施行外欲望朝廷更賜指
揮下禮部太常寺討論參酌端拱明道故事庶幾中興
典禮得以兼備詔依

二十一日禮部太常寺言准勅游採等劉子檢照端拱
元年賜京城耆老八十已上耆九十八人衣帛有差將
來親耕畢欲宣陪位耆老詣壇宣勞依舊例賜束帛又
明道二年大禮使言耜田禮希曠為日已久比聞修舉
内外翹屬況親屈萬乘本勸力農方請下有司令遍諭
密近村聚俟御耕日特許父老鄉民觀望盛禮勿令呵
止從之詔並依祖宗典故施行仍令禮部太常寺討論
宣勞傳旨合差何官申尚書省取旨禮部太常寺今討

論將來禮畢禮直官引耕耜使升觀耕壇詣御帳前侍立至時宣勞欲乞依元會例差樞密一員詣御座前承旨樞密都承旨一員於壇下承旨宣勞其合用口宣乞令學士院修撰詔依

二十五日禮部太常寺言准二十二日詔令禮部太常寺討論象車合與不合製造今討論依五禮新儀象輅載耒耜及依宣和禮制耕耜使乘象車今參考端拱親耕禮制以耕耜車載耒耜耜耕使不乘車今欲乞端拱禮制施行仍乞是日耕耜使服朝服乘騎護衛耒耜行于仗內及用已定儀仗一千人質明先詣壇所以俟車駕自內服履袍乘輦詣耜田所所有象輅更不製造其合用耕耜車乞下所屬製造施行詔依

同日禮部太常寺言討論下項 一將來親耕日饗先
農先降指揮依宣和禮制命有司行事今參照端拱明
道故事親耕日係親先農其牲牢禮料權視大祠今欲
乞依故事施行 一饗先農係中祠言至日皇帝親行
饗禮止是牲牢禮料權視大祠其致齋日分欲乞比附
四孟朝獻禮例前一日齋於內殿有司不奏刑殺文書
一親饗先農禮料遵實以芡芡栗鹿脯榛寔乾蕨乾
棗形鹽魚鱠稌餌粉粢豆寔以芹荀葵菁韭魚醢兔醢
鹿藿醢醢豚拍飽食粝食簋實以黍稷簋實以稻粱酒
齊係用黍酒每位斗八升牲牢共用羊豕各二詔依
先農十一月二十日禮部太常寺言勘會將來親耕依
宣和禮例親耕日享先農備中祠祀科命有司行事至
故事參照故事
故有是請

二十七日禮部太常寺言今續次參酌條具下項一
所有登歌宮架之樂依禮例宰執同禮部太常寺官就
都堂按樂乞令禮部定日申朝廷一勘會轉運司臨
安府所差從耕庶人并助執耒耜及陪位耆老合令禮
部差主令太常寺差使臣禮直官人吏贊者前半月指
引教習所差執畚鍤人共三十人合服青衫帶子乞令
工部指揮所屬計會司農寺製造詔依

二十九日禮部言准都省批下權工部侍郎錢時敏劄
子將來親耕合用御耒耜等今畫得宣和樣制各一本
乞下禮官相度製造後批送禮部今據太常寺看詳並
合依樣製造外所有盛九穀青箱本寺已於畫到圖本
內附說其隨御耒耜鞭欲製黃羅袋盛貯詔依

十二月五日禮部太常寺言親耕耤田日親饗先農今
參酌開寶通禮五禮新儀及親饗禮例條具申請事件
一依儀合設大次於外壇東門之外小次於午階下
西向緣今來思文殿去壇不遠欲就本殿作大次所有
小次於壇午階下西向乞今儀鸞司同臨安府排辦
一端拱明道禮制係用祝冊緣祝冊係太禮儀制令欲
止用祝文二首其詞乞下學士院修撰并述以親饗先農親耕之意
前期書寫進書畢降付太常寺供應一依禮例皇帝
行禮大禮使從今來親耕不差五使所有親饗先農行
禮欲乞比附前項禮例耕耤使服祭服後從一親饗
先農并親耕合差侍祠行禮等官欲依禮例從太常寺
前期具窠目中中書省降勅差內閣門合差奏中嚴外

辦等官乞依例令閤門具窠目申朝廷降勅差 一令
來不差五使即與大禮事禮不同其侍祠行禮官係行
事左僕射以下所有前一日省牲省饌并至日揖位欲
乞令行事左僕射率侍祠官以下起赴立班 一親饗
先農合用皇帝位版二面係黑漆金字及位版腰輿見
在太常寺收掌欲乞令工部指揮所局一就檢計雅飾
一依儀皇帝飲福受胙合差尚醞典奉御并司尊彝
官乞令翰林司依舊差官權攝 一依禮例合差掌圭
官并供冕服等官欲乞令入內內侍省差官 一臨安
府所差從耕庶人執畚鍤人及陪位耆老并兩浙轉運
司差助教耒耜人至日並合經由藉田門至觀耕壇下
所有太常寺至日應奉贊者執掌供官樂工二舞并司

農寺職掌并係升壇應奉人數乞報皇城司官借勅入壇殿號。一令兩浙轉運司計置從耕及庶人耕牛共一百六十頭前五十日到行在於臨安府側近縣分養飼并前半月赴藉田教習欲乞令轉運司專委官二員拘藉計置。一親饗先農合用白羅悅巾拭爵巾二條并亞終獻合用白絹悅巾拭爵巾二條各長六尺欲令戶部行下左藏庫支赴太常寺供應詔依六日禮部太常寺言今續次參酌到下項。一親饗日欲乞依皇城南北門并南北宮門及內庭應奉官司經由門戶比常日早一刻開其利涉門候潮門早三刻開放令經由出入。一依禮例壇上設登歌樂中壇門外設宮架二舞欲乞令太常寺排辦。一合差捧執蓮豆

盥盥等官并亞終獻盥洗官乞依例從太常寺具申吏部差待次官 一依禮例合前期教習執事官并應奉人贊者俱官等欲乞於前一月內從太常寺定日於法惠寺作樂教習二日所有合用幕次什物乞令臨安府排辦 一合差供事執事內侍官并進徹飲福俎奉祝等官等并乞從太常寺報入內內侍省差官 一親饗先農依四孟朝獻例皇帝內殿致齋一日所有耕耨使并行事執事官各前一日致齋有本司宿於本司無本司者令臨安府踏返耨田側近寺院其陪位官依朝獻禮例更不致齋 一合用登歌宮架樂章詞曲欲乞令太常寺具節次報學士院前期修撰 一合用彩畫宮架樂架二料除見管外見闕彩畫宮架一料共二十四

架建鼓等六座欲下軍器所創行製造於按樂前赴寺
送納續太常寺供到狀竊慮日逼其宮架全行製造不
及今欲將建鼓六座并流蘇花版就用見管外乞令軍
器所造彩畫樂架二十四座 一親耕所設登歌宮架
大樂合用般運大樂兵級八十人已行申請乞下殿前
馬步三司均差外所有親饗先農行事添用登歌宮架
大樂一料亦合差般運大樂兵級今欲乞下殿前馬步
三司分差五十人前一月到寺候禮畢限十日發遣
一親耕合用登歌宮架樂正樂工共二百三十四人除
已申請外今來親饗先農合添用二舞九十人兩項共
計三百二十四人太常寺見係籍工止管二百六十六
人自來係于教坊鈞容直差借竊慮逐處各有應奉相

妨今欲乞下臨安府差本府樂人五十八人充教如不足乞從本寺拘收召募詔依

同日戶部太常寺言據祇候庫中將來車駕服履袍乘平輦詣思文殿進膳畢服通天冠絳紗袍行親耕之禮今具合行排辦事件 一合用薰撤御服龍腦乞下左藏西庫選上等龍腦五兩前期供納 一供進禮衣係前一日請降赴內中幕次日起思文殿門外幕次鋪設所有逐處幕次乞下儀鸞司釘設及合用熨貼御服熟火乞下翰林司排辦合用蠟燭一千條乞下雜買務收買 一合用熨貼裁縫作二名腰帶靴履頭冠面花綾道雜釘戎具結條作各一名乞下御藥院差如闕乞下文思院軍器所貼差

共用頭及欲乞
皇城司照會

所有擡擎合用供

內儀鸞八人乞下內東門司差其輦官乞下御輦院差
援衛引喝天武官三十六人乞下殿前司差 一進掛
御服撤御道并撻頭冠匣御衣箱官並乞下入內內侍
省差詔依

中興禮書第一百三十七卷

吉禮一百三十七

親饗先農耕耤三

紹興十五年十二月八日御史臺言今參酌到申請事
件 一耕耤日除從耕官外所有侍耕文臣百官今相
度欲乞用產務通直郎以上及行在見任寺監主簿承
務郎以上職事官赴立班 一耕耤日先親饗先農
所有文臣陪位官欲乞就用從耕侍耕官陪位立班
一耕耤日皇帝乘平輦自內殿至祠所依禮例從駕官
合常服從駕至祠所各易朝服赴陪位俟禮畢吹赴
從耕立班如不係從駕官先赴耤田門外常服迎駕起
居訖易朝服陪位次赴從耕侍耕立班俟禮畢退內合

從駕官易常服從駕還內 一本臺主管班次引贊官
知班應奉並合服朝服及更易常服報引班次 一致
齋行事官依已降指揮於耜田側近踏逐寺院宿齋外
所有文臣百官侍班幕次欲乞從本臺移文臨安府儀
鸞司於耜田門外隨地之宜排辦 一依禮例合差監
察御史二員糾彈祠官不恭等事及依列差監祭司手
分三人行遣詔依

同日禮部太常寺申將來親耕俟奏禮畢宣陪位者老
詣壇宣勞舊例賜衣帛今檢照國朝會要止該載端拱
元年賜京城耆老八十以上九十八人衣帛有差即不
言所賜衣帛若干數目及是何官司主管給賜今相度
欲乞令臨安府具已差定陪位耆老一百人內若干人

數係八十已上者申戶部行下祇候庫省記舊例如本
 庫無舊人省記乞令本庫擬定每人各賜絹若干申戶
 部取朝廷指揮右劄下臨安府依所申施行續申今祇候庫
 乞于親耕日將八十已上者老婦人支賜生白絹二
 匹共格備絹二百匹乞下左藏庫支供赴庫排辦應
 制主日給賜如有文使不盡數目今所處拘收詔依
 部大主管所狀陪位者老一百人准四方館開具到八
 十歲以上五十人各合支賜絹二匹外有年未及十
 歲五十人緣係一般陪位未該支賜詔支並與支賜
 十二月十二日禮部太常寺言准都省批下戶部狀將
 來親耕合用九種黍稷秬稻粱及大小豆麥每色各三
 斗據兩浙轉運司申數內秣係河北出產號為造酒黃
 米今欲以粟穀充代梁係京西河出產號為梁穀米今
 欲以糯穀充代後批送禮部同太常寺看詳欲依所申
 詔依

十二月十五日太常寺言將來饗先農及親耕耤田合差官下項 一親饗差官侍中二員一員御前奏中嚴外辦并奏解嚴一員奏中嚴外辦并奏解嚴殿中監進接主太常卿贊導奏請行禮太常博士四員一員贊引耕耤使一員贊引太常卿一員贊引亞獻一員贊引終獻行事左僕射中丞滌濯兼進幣爵酒亞獻終獻吏部尚書以幣授左僕射禮部尚書祇滌濯省鼎錢祇濯兵部尚書薦羊俎并徹兼進飲福俎工部尚書薦豕俎并徹吏部侍郎二員一員受幣爵酒兼瘞祝幣一員盥洗進爵詣尊酌酒訖授左僕射刑部尚書實錢水刑部侍郎增沃錢水監察御史二員讀祝文官舉祝文官二員押樂太常卿太府卿設幣光祿卿巡牲并牽牲詣厨入

賓蓬豆簋簋光祿丞巡牽牲詣兩廡造協律郎二員
一員壇上舉麾一員壇下舉麾奉禮郎設皇帝版位良
醢令酌皇帝獻酒太祝奉毛血盤并進搏黍太官令酌
亞終獻酒兼監視宰殺牲牢并搏黍等太社令設神位
版盥洗奉爵官四員差吏部引俎饌奉禮郎差吏部捧執蓬
豆簋簋捧俎官一十六員差吏部一親耕差吏部官樞密觀耕
壇上承旨宣制侍中四員一員奉耒耜以進耕畢復受
及奏禮畢一員奉中嚴外辦并奏解嚴一員御前奏中
嚴外辦并奏解嚴一員奉御耒耜載于耕載根車俟至
御耒耜以降受耜田令樞密都承旨觀耕壇下傳旨宣
勞耆老太常卿二員一員贊導奏請一員押樂協律郎
二員一員觀耕壇上舉麾一員宮架舉麾贊引太常卿

太常博士太僕卿設御耕牛同農卿二員一員宿設耒耜於墓屋俟耜田令解耜出耒授訖以授侍中耕畢復授耜田令一員奉青箱種耜之禮種詣耕所播之并奏省功畢奉禮郎設御耕版位并設御耒耜席耜田令二員一員俟侍中耒耜以降授耒耜橫執詣耜所置於席守之兼以青箱授司農卿一員解耜出耒耜以耒耜授司農卿耕畢復授耒耜納之耜以授執事者奉青箱官以青箱授耜田令司農少卿二員一員帥庶人耕於千畝一員帥太社令檢校終千畝太社令檢校庶人終千畝詔依

同日閤門言親饗先農并親耕合差奏中嚴外辦前導并奏解嚴等閤門官四員乞朝廷降勅施行詔依

十二月十八日御史臺閤門太常寺言將來親耕同共
參酌合行事件 一應奉官司久不舉行親耕典禮恐
致生疎今欲乞於正習儀前從御史臺定日閱報前去
耤田閱習一次 一乞依宣和禮制於親耕前二日文
武百官并諸色應奉人赴耤田習儀仍乞是日百司作
休務假及禮畢次日作歇泊假一日詔依

十二月二十四日禮部兵部言准都省札下權戶部侍郎
王鈇等狀據祇候庫中所造耕根車制飾如玉輅惟降
二等以青為質而無玉飾駕青馬駕士四十人契勘古
制凡車駕引全用馬力今來所造車止籍駕士牽拽與
古不同兼五輅各駕六馬尚用七十五人況耕根車係
用四馬若依古制駕士四十人駕引遲緩合比五輅用

駕士七十五人分攤下項小梯一名踏道四人托叉二
人行馬四人前後推竿各四人當轅馬七人內二人板
挑秉燭臺四人牽踏路馬四人兩引索三十六人左右
照管轅轂二人引唱人員二人剪燭梳夾一名所有服
著內駕士七十三人武弁冠青纈對鳳啣嘉禾合穗青
紬大紬緋纈絹白獅子襯衫青絹夾袴青麻鞋青絹夾
襪人員引唱二人小帽子瑜石骨朶紅纈練鵲衫白絹
夾袴青纈裹肚金鍍銀束帶乞朝廷詳酌施行後批送
禮部看詳尋下太常寺車輅院看詳欲依祇候庫所乞
差撥製造施行詔依同日樞戶部侍郎王鈇等核合
差駕士七十五人除引唱馬路道燭臺北小旗等
外實有五十十一人推駕緣經由道有地面塼石硬教
高年士處應難以駕檢今相度欲乞下級前司更添
差兵級二十人所有服著就借祇候庫武弁冠青寶花

大神農時耕車使用詔

十二月二十五日禮部太常寺言今續次參酌條具到合申請事件 一依儀親耕京畿諸縣令率終畝庶人就位今來欲乞令安府諸縣令充京畿縣令 一兩浙轉運司臨安府差耆老并從耕庶人執耒耨人及助耒耨人合於前半月習儀并至日從耕排立逐處未曾委官拘集今欲乞令轉運司臨安府各委官一員專一拘集俟習儀并親耕日交割付四方館司農寺太常寺引揖 一依禮例宰執以下按樂合作休務假欲乞依例作休務假一日 一親饗先農日欲乞依禮例正習儀日設爵站帶篚幣用悅巾充代樂用祝歆所有親耕習儀乞依例作樂習儀 一合差擡擎御書祝文親事

官四人乞下皇城司差於草習儀前二日到太常寺祇應合用擡擎祝文腰輿權於祕書省關借 一依已降指揮令禮部定日宰執同禮部太常寺等官就都堂按登歌宮架樂續承指揮親饗先農依儀又合設登歌宮架二舞今相視都堂若止按登歌宮架樂別無妨碍若更設二舞綠堂下難以安設乞改就法惠寺仍乞令禮部定日申朝廷照會至日宰執同禮部太常寺都大主管官就寺按樂 一合差擡擎神席燎草幣帛等腰輿兵士并擡擎祭器法物等兵士各一十人管押節級在內並乞下殿前馬步軍司分差所有合破勅入壇殿號乞從太常寺具數報皇城司支借詔依

十二月二十七日四方館言准太常寺閔親耕禮畢引

耆老詣觀耕兩拜起居宣勞兩拜契勘八十已上賜衣帛耆躬候棹賜物過謝恩兩拜退詔依

十二月二十九日禮部太常寺言將來親饗先農畢并
行親耕禮已是日高所有先農行事官親耕行禮官依
指揮令諸司排辦喫食外所有陪官喫食欲下御厨翰
林司排辦詔依省紹興十六年正月七日御厨奏准尚書
省別子今本厨排辦親耕陪位官喫食
林司排辦詔依紹興十六年正月七日御厨奏准尚書
省別子今本厨排辦親耕陪位官喫食
食本厨所管人匠不多日常供進御膳及親耕移進御
并從第等執百官夾食數多尚慮人少今來所承指
擇排辦陪位官例支破第三等早食折支價錢入厯批
大禮陪位官例支破第三等早食折支價錢入厯批
依詔

十二月三十日禮部太常寺言續行參酌申請下項
一勘會郊祀大禮係祀昊天上帝皇地祇依儀皇帝行
酌獻禮讀冊文官依令讀至御名勿興所有今來親饗

先農係中祠依已降指揮牲牢禮料權視大祠欲令讀祝文官讀至御名執笏興躬身訖再搢笏跪讀祝文一親饗前一日皇帝齋於內殿依禮例有司不奏刑殺文書其行事官前一日齋於本司唯饗事得行其餘悉禁今欲乞是日皇帝前後殿不視事仍乞百司作休務假一日 一所用祝文依禮例禮部差人奉設合差職事八人所有看上尊福酒合差膳部職掌五人依大禮例止差四人仍於祠部主客兩曹分差並前期報皇城司闕借初入壇殿號 一檢會國朝會要端拱舊制耒耜先於民間假借習按所有將來親耕前半月於耜田教習從耕庶人等合用置耒耜四十具欲乞令兩浙轉運司行下所屬縣分假借事畢發還詔依

紹興十六年正月二日禮部太常寺言親饗親耕依已降指揮就耤田前半月教習從耕庶人四十人助執耒耜人三十餘人執耒耨人三十人殿前司差御龍真一十二人天武官二十人并隨牛人等農人稍衆若不輪官前去監視切慮生疎今欲乞初起教日令禮部太常寺司農寺官前去以後每日逐處各輪官一員前去監視詔依

正月六日閤門言准尚書省劄子文思院上界申契勘本院製造絹花一萬朵准備將來親耕回鑒給賜乞朝廷指揮下祇候庫閤門指定親耕有無合賜花朵行下閤門契勘宣和耤田親耕回即不賜花今來係親饗先農行禮從駕臣僚等欲乞依昨親饗例賜回鑒花祇候

庫狀契勘回鑒賜花其合用花朵依指揮約度數日報
文思院造作准備詔依

正月九日禮部太常寺言將來親耕依已降指揮前
月教習從耕庶人執畚鍤人助執耒耜人尋於今月初
三日為頭前去藉田當官教習數內助執耒耜人三公
三少宰臣親王使相各三人執政官各二人侍從臺諫
各一人庶人不差其所教牛今相度欲每一耒耜下各
添隨牛家人一名牽牛祇應並令服介幘緋衫白絹勒
帛赴教習所有逐人各合服并初入壇殿號乞令轉
運司具教數報祇候庫皇城司關請詔依
正月十一日都大主管所言親耕藉田行禮執畚鍤三
十人助執耒耜五十人從耕庶人四十人並係臨安府

等處差到農人今取到太常寺贊引使臣王彥龍等狀
契勘逐色人禮畢即未有支賜恩澤指揮詔並依陪位
耆老例支賜

正月十三日臨安府府學生李良等一百三十三人進
狀伏覩皇帝躬祀先農親耕耤田敦勸天下茲寔朝廷
莫大之盛典臣等切嘗稽攷國朝會要仁宗皇帝明道
親耕帝耤開封府士人進狀乞與陪位特可其請今陞
下崇尚文德昭致太平同符仁祖臣等苟不能抗章自
陳無由仰觀緝禮上負陛下教育之意有愧明道之文
欲望特降睿旨遵依明道故事許令臣等陪位批送禮

部正月十五日太常寺言檢照國朝會要明道二年正月十四日廣文館開封府貢舉人上書乞陪位於
次以觀盛典從之契勘當來耤田係廣文館開封府貢
舉人陪位即無學生陪位之文今來臨安府府學生李

民等乞陪立班即
無典故難以施行

聖訓卷之三

正月十六日都大主管所言准尚書省批下宗正少卿
秉權兵部侍郎趙子厚等劄子勘會親耕耨田已降指
揮以儀仗一千人護衛耕根車裝載耒耜前一日於皇
城門外排立至日護衛耒耜前去壇所緣今來耕根車
已製造了畢奉聖旨候排設日取旨進呈所有護衛儀
仗欲乞自製造耕根車處護衛經由大內至皇城南門
外排立合取自朝廷指揮後批送都大主管所施行本
所奏聞奉詔依同鼓吹振作引呈內趙子厚綴王鈇等
班起居

中興禮書第一百三十八卷

吉禮一百三十八

親饗先農耕藉四

紹興十六年正月十七日秘書少監兼權禮部侍郎游
操等言勘會親饗先農并親耕禮畢緣係大慶典禮欲
俟禮畢許耕藉使率行事陪祠文武官一班詣思文殿
稱賀更不致詞不宣答乞從御史臺問門太常寺修定
儀注申請詔依

正月二十三日太師尚書左僕射秦檜言臣伏覩皇帝
陛下親耕藉田既畢三推臣以耕藉使職事請以耒耜
授有司皇帝不從臣又奏王者三推禮經舊式皇帝宣
諭力本務農出於誠心遂推至五至七至九臣三奏請

乃止伏乞宣付史館以光冊書詔依

正月二十四日檜又言陛下耕藉過三推之數少勞陛下聖躬上曰朕本欲終畝以卿屢奏乃止太宗朝每車駕出城必宣集父老訪以民間利病況耕藉為農民之勸朕豈憚勞

正月二十五日以親耕禮成太師秦檜率文武百僚詣文德殿拜表稱賀

二月四日內降詔曰朕惟兵興以來田畝多荒故不憚卑躬與民休息今疆場罷警流徙復業朕親耕藉田以先黎庶三推復進勞賜耆老嘉與世俗躋于富厚昔漢文帝頻年下詔首推農事之本至于上下給足減免田租光于史冊朕心庶幾焉咨爾中外當體至懷

先是上宣諭曰

將耒耨之田耨耨之田年有之不遇數十然當時民知存農遂使宮

親饗先農耕耨儀

陳設

前期儀鸞司帥其屬設御座于耨田思文殿當中南向設東西閣於殿後之左右殿上前楹施簾又于觀耕壇上設御帳南向設御座于帳內又就思文殿設大次南向又設小次二一于先農壇午階下稍東西向一于觀耕壇酉階下稍北南向設文武行事陪祠官宗室及有司次于耨田門之內外量地之宜設饌幔于內壇東門之外道北南向前饗二日太社令帥其屬掃除壇之上下太常牽牲詞詣所次陳登樂之樂於壇上稍南北向

設宮架于壇南內壝之外立舞表于鄧綬之間前饗一
日太常設神位席太史設神位版帝神農氏位于壇上
北方南向后稷氏位于壇上東方西向並席以莞畢告淵
權
微奉禮郎設皇帝位版于壇下小次前西向飲福位于
壇上稍西北向望瘞位于子階之西北向贊者又設亞
獻終獻位于小次之南稍東西向設太常博士位于其
後耕耤使并行事左僕射位于亞終獻之南行事左僕
射稍却行事吏部禮部兵部工部尚書吏部侍郎光祿
卿讀祝文官光祿丞位于左僕射之東光祿丞
稍却奉禮郎
搏黍太祝太社太官令位于小次之東北俱西向北上
監察御史位二並于壇下午階之西南東向協律郎位
二一于壇上樂簾之西北一於宮架之西北俱東向押

樂太常卿位于官架之北良醴令位于酌尊所俱北向
又設陪祠文武官位于執事者之南太常陳牲于東壇
門外西向祝文各位于牲後又設省牲位于牲西行事
左僕射在南北向行事吏部禮部兵部工部尚書吏部
侍郎押樂太常卿光祿卿讀祝文官光祿丞奉禮協律
郎搏黍太祝太社太官令在北南向西上以下設光祿丞
以位皆稍
却監察御史在吏部尚書之西異位稍却太常陳禮饌
于東墻門外道北南向又設省饌位版於禮饌之南行
事左僕射在南北向監察御史位二俱在西東向北上
行事吏部禮部兵部工部尚書吏部侍郎押樂太常卿
光祿卿讀祝文官光祿丞奉禮協律郎搏黍太祝太社
太官令在東西向北上太常設祝文于神位之右司尊

晏帥其屬設幣篚于酌尊所次設蓮豆簋簋之位每位
 左十有一蓮右十有一豆俱為三行俎二一在蓮前一
 在豆前又設俎四在豆右為二重登一在蓮豆間簋一
 簋一在蓮豆外簋在左簋在右又設尊站之位每位著
 尊二壺尊二皆有罍加勺畢為酌尊太尊山尊犧象尊
 各二皆有罍加畢設而不酌又設蓮豆簋簋各一俎各
 二於饌幔內設盤匝帨巾于壇下階東南北向供祠
 內侍立于皇帝版位之後分左右奉饌者北向執巾者南向
 獻盥洗于本位之南罍篚各設于左右皆內向執罍篚
 者位其後其日早太社令升壇殿神位版于壇上光祿
 卿帥其屬人實蓮豆簋簋蓮豆簋簋三行以右為上第一行形
 簋在前魚鱗鱗解次之第二
 行行次在前乾乾乾乾次之第三行
 脯次之豆三行以左為上第二行
 芹沮在前荀沮葵

卷一百三十八

于御耕位之東南設從從耕執政官及侍從兩省臺諫
位于三公之南少却並西向北上又設耕耜使後從位
于御耕耜位稍東南向設押樂太常卿位于宮架之前
北向協律郎二一手壇上樂簇之西北一手宮架之西
北俱東向奉禮郎設御來席于三公之北稍西南向太
僕卿帥其屬設御耕牛于御耕位之西稍北太僕卿位
于御耕牛之東稍前南向太常設登歌之樂於觀耕壇
上又設官架樂于庶人耕位之南俱北向設侍中位于
御耕位之東稍南西向設司農卿位二一手侍中之後
一手其南耜田令位二皆于司農卿之南少退並西向
北上奉青箱官位于耜令之後諸執來耜者位于公卿
者之後執畚鍤者之前西向又設庶人耕位于從耕官

之南少東十步外應人四十者老陪耕位之南並南向

常服陪位司農少卿位二于庶人耕位之前太社令

位于司農少卿之西少退俱北向畿內諸縣令位于庶

人耕位之東西向司農寺帥所司設從耕耒耜耕牛

等各設于逐位前一日兵部帥其屬排列儀仗及耕根

車于皇城南門之外如式

省牲器

省牲之日太社令帥其屬掃除壇之上下司尊彛帥府

史及執事者以祭器入設于位几設祭器皆將以禮直

官贊者分別行事左僕射以下詣東壝門外省牲位立

定先祿卿丞與執事者牽牲就位禮直官贊揖訖贊者

引押樂太常卿入行樂祭凡亞終祇行事皆禮官直太

贊引者飲官次引禮部尚書升自卯階凡行事者升降祗滌濯

禮直官稍前曰告潔畢請省牲次引禮部尚書稍前省

牲訖退復位次引光祿卿出班巡牲一匝西向躬曰充

曰脩次引光祿丞出班巡牲一匝西向躬曰脩俱復位

禮直官稍前曰省牲畢請就省饌位贊揖訖引左僕射

以下各就位立定禮直官贊揖所司省饌具畢禮直官

贊省饌畢贊揖訖俱還齋所光祿卿丞及執事者以次

牽牲詣厨授太官次引禮部尚書詣厨省鼎鑊祗濯漑

協律郎展祗樂器乃還齋所脯後一刻太官令帥宰人

以鶩刀割牲祝史各取毛血寔于盤俱至饌所遂烹牲

太社令帥其屬掃除壇之上下

車駕詣耜田

其日質明前侍中奉御耒耜載于耕根車訖耕耜使乘
騎後從行于仗內護衛耒耜先詣壇所至耜田門外侍
中奉御耒耜以授耜田令耜田令受耒耜橫執之詣耕
所置于席遂守之凡耒耜者橫執之授則先耒耜後耒耜皇帝自內服履
袍出內即御座鳴鞭行門禁衛諸班親從等諸司祇應
人員以下于常御殿各自贊常起居次從駕臣僚並應
奉官于常御殿起居如閣門儀訖先退以俟從駕皇帝
自常御殿乘輦出行宮南門侍衛如常儀至思文殿降
輦歸後閣以俟行饗先農之禮

奠幣

饗日車駕將至耜田御史臺閣門太常寺四方館分引

非從駕文武官陪侍耕從耕執事官畿內諸縣令及耆老庶人等並常服俱詣藉田門外立班再拜奉迎訖退各就次諸饗官及陪祠之官各服其服太社令入設神位版光祿卿入實籩豆簋簋太官令入實俎豆醢令入實尊樂正率工人二舞以次人與執尊饗籩簋者各就位御史臺先引殿中侍御史一員先入就位次御史臺閣門太常寺閣門舍人等分引陪祠文武官及宗室客使各入就位次禮直官贊者分引左僕射以下行事執事官就卯階內墀門外揖位立定禮直官贊揖次引監察御史按視壇之上下糾察不如儀者退復位太常卿問門官太常博士禮直官分立于大次外之左右次引侍中版奏中嚴少頃又奏外辦太常卿當次前俛伏跪

奏稱太常卿臣某言請皇帝行事奏訖俛伏與還侍位

太常卿臣某言請皇帝行事奏訖俛伏與還侍位

以下前導至內墻門外殿中監跪進大圭太常卿奏請

執大圭前導官前導皇帝入自正門侍衛不進

即跪俛伏舉麾興工鼓祝官架奏隆安之樂皇帝升殿

隆安之樂太常卿以下分左右侍立凡行禮皆太常卿問門

立于左右太常卿奏有司謹具請行事官架奏靜安

之樂儲靈錫慶之舞三成止太常卿奏請拜皇帝再拜

贊者曰拜在位官皆再拜內侍取幣于篚立于尊所次

引左僕射吏部尚書侍郎升詣帝神農氏神位前立左

僕射吏部尚書俱西向北上侍郎東向內侍各執盤匱

悅巾以進宮架樂作太常卿奏請皇帝搢大圭盥手內

侍進盤匱沃水又奏請皇帝悅手內侍進巾皇帝悅手

訖又奏請皇帝執大圭樂止前導官前導皇帝升壇耕

耜使從

皇帝升降耕耜使皆從左右侍衛至人數升

宮祭樂作至壇下樂止

升自午階登歌樂作至壇上登歌奏嘉安之樂殿中監

跪進鎮圭太常卿奏請搢大圭執鎮圭前導官前導皇

帝詣帝神農氏神位前北向立內侍先設縹藉于地太

常卿奏請跪奠鎮圭于縹藉執大圭俛伏興又奏請搢

大圭跪內侍以幣授吏部尚書吏部尚書以授左僕射

左僕射西向跪以進太常卿奏請受幣皇帝受奠訖更

部侍郎東向跪受以興進奠于帝神農氏神位前左僕

射吏部尚書侍郎俱詣后稷氏神位前以俟太常卿奏

請執大圭俛伏興內侍取鎮圭授殿中監內侍又以縹

藉詣后稷氏神位前先設縹藉于帝太常卿奏請拜皇
帝再拜訖樂止前導官前導皇帝詣后稷氏神位前奠
圭幣並如上儀左僕射以下俱降復位前導官前導皇
帝還版位登歌樂作內侍舉鎮圭縹藉以鎮圭授殿中
監以授有司皇帝降階樂止宮架樂作至版位西向立
樂止祝史奉毛血盤立于壇門外由其階升太祝迎于
壇上進奠于神位前太祝與執事者退立于尊所

進熟

饗日有司陳鼎四于神厨在鑊之太官令帥進饌者詣
厨以匕升羊于鑊資于一鼎肩膊肱一肱正脊一肱脊一
代有一皆次升豕如羊皆設局畢祝史對舉陳于饌幔
二皆以並內太常實籩豆簠簋於饌幔通資以粉烹豆實以粉食

俟皇帝升奠幣訖還位樂止祝史抽局委于鼎右除畢

加七于鼎太官令以七升羊載于一俎此俎胙在下端脊

中次升豕其載如羊每位羊豕各一俎次引禮部尚

書詣饌所執籩豆簠簋以入兵部工部尚書詣饌所奉

俎以入太官令引入正門宮架豐安之樂作設于郊階

之下北向俟祝史進徹毛血樂出次引禮部尚書指笏

執籩豆簠簋兵部工部尚書指笏奉俎以升執事者各

迎於壇上禮部尚書奉籩豆簠簋詣帝神農氏神位前

北向跪奠執笏俛伏興有司設籩于俎餌前至于醢醢

前簠于稻前簋于黍前次引兵部工部尚書奉俎詣帝

神農氏神位前北向跪奠先薦羊次薦豕各執笏俛伏

興有司設羊豕俎于腸胃膚之前禮部兵部工部尚書

次詣后稷氏神位前奉奠並如上儀樂止俱降復位引左僕射詣帝神農氏神位前西向立吏部侍郎東向又引吏部侍郎詣皇帝版位前奉爵北向內侍各執盤匱悅中以進宮祭樂作太常卿奏請皇帝搯大圭盥手內侍進盤匱沃水又奏請皇帝悅手內侍進巾皇帝悅手訖又奏請皇帝洗爵吏部侍郎進爵內侍沃水皇帝洗爵又奏請皇帝拭爵內侍進巾皇帝拭爵訖樂止又奏請執大圭吏部侍郎受爵奉爵升自午階前導官前導皇帝升壇宮祭樂作至午階樂止升自午階至壇上樂止登歌奏禧安之樂吏部侍郎奉爵詣神農氏神位前北向立太常卿奏請搯大圭跪吏部侍郎以爵授左僕射左僕射西向跪以進又奏請執爵皇帝執爵祭酒

祭三

地于奠爵吏部侍郎受虛爵又奏請執大圭俛伏興又奏
請皇帝少立樂止左僕射吏部侍郎先詣后稷氏神位
前內侍捧祝文進于帝神農氏神位之右讀祝文官搢
笏東向跪讀祝文讀訖執笏興先詣后稷氏神位前南
向立太常卿奏請再拜皇帝詣后稷氏神位前酌獻並
如上儀左僕射以下俱降復位前導官前導皇帝還版
位登歌樂作降階樂止宮架樂作至版位西向立樂止
太常卿奏請還小次宮架樂作將至小次太常卿奏請
釋大圭殿中監跪受大圭皇帝入小次簾降樂止文舞
退武舞進宮架正安之樂作舞者立定樂止禮直官太
常博士引亞獻詣盥洗位北向立搢笏盥手執笏
詣爵洗位北向立搢笏洗爵執事者執笏升詣帝神農

氏酌尊所西向立宮架作正安之樂嚴恭將事之舞執事者以爵授亞獻亞獻搢笏跪執爵執尊者舉罍太官令酌壺尊之盞齊訖先詣后稷氏酌尊所北向立亞獻以爵授執事者執笏興詣帝神農氏神位前北向搢笏跪執事者以爵受亞獻亞獻執爵祭酒三祭于地奠爵執笏俛伏興再拜訖次詣后稷氏神位前行禮並如上儀訖樂止降復位如初亞獻行禮將畢次禮直官太常博士引終獻詣洗位及升壇酌獻並如亞獻之儀降復位如初皇帝既奠幣有司以羊左臂一骨及長脅短脅俱二骨以並載于胙俎設于壇上酌尊所俟終獻既升壇次引兵部尚書博參太祝太官令詣飲福位東向立奉俎豆爵酒者各位於其後太常卿奏請詣飲福位簾卷出

次宮架樂作殿中監跪進大圭太常卿奏請執大圭前導官前導皇帝升自午階至壇下樂止皇帝升壇詣飲福位登歌奏禧安之樂皇帝至飲福位北向立尚醞奉御執尊詣酌尊所良醞令酌上尊福酒各置一尊尚醞奉御奉尊詣飲福位殿中監奉爵尚醞奉御酌福酒殿中監西向捧以立太常卿奏請再拜皇帝再拜殿中監跪以爵酒進太常卿奏請搢大圭跪受爵祭酒于地祭酒奠爵殿中監跪受爵以興大祝帥執事者持胙俎進減神位前正脊二骨橫脊二骨加于俎上內侍受俎以授兵部尚書西向跪以進皇帝受俎奠之兵部尚書受俎以興退復位太官令取黍于簋搏以授太祝太祝受豆東向跪以進皇帝受豆奠之太祝乃受以興降復位

次殿中監再跪以爵酒進太常卿奏請受爵飲福酒奠爵殿中監授虛爵興以授尚醞奉御執事者俱降復位太常卿奏請執大圭俛伏興又奏請再拜皇帝再拜樂止前導官前導皇帝還版位登歌樂作降階樂止官架樂作止版位西向立樂止次引禮部尚書升壇徹豆俱通豆俎各一登歌歆安之樂兵部工部尚書升壇徹俎俱通豆俎各一作卒徹樂止禮部兵部工部尚書俱降復位禮直官曰賜胙行事陪侍官拜贊者承傳曰賜胙再拜在位官皆再拜送神宮架奏靜安之樂作一成止

望瘞

靜安之樂畢太常卿奏請詣望瘞位前導官前導皇帝詣望瘞位宮架樂作至位北向立樂止初賜胙再拜訖

吏部侍郎帥太祝執篚進詣神位前取幣祝文及俎載牲體黍稷飯爵酒降自西階詣瘞坎次幣祝文饌物置於坎內禮直官曰可瘞有司焚瘞寘土半坎太常卿奏禮畢前導官前導皇帝還大次宮架樂作出內墻門外太常卿奏請釋大圭殿中監跪受大圭以授有司侍衛如常儀皇帝至大次樂止侍中奏解嚴引左僕射以下詣卯階之東內墻門外揖位立禮直官贊禮畢揖訖退引陪詞文武官及宗室以次出權歸次以俟進膳畢次行耕耤之禮

耕耤

皇帝饗先農行禮畢歸大次俟進膳畢侍耕從耕執事官諸縣令及應奉官等各服朝服以俟行禮樂正帥工

人以次入次引諸縣令帥終畝庶人四方館引陪耕者

老先就位司農卿耕田令大社令奉青箱官諸執來耜

者以次就位皇帝將入耕藉位御史臺引殿中侍御史

一員先入就位次御史臺閣門分引文武侍耕群官各

就位次禮直官分引從耕執事官各就位凡耕藉使侍

農卿指曰令禮直官引有司進輦于思文殿太常卿閣

門官太常博士禮直官分立于小次前次引侍中版奏

中巖凡侍中奏請皆悅少頃又奏外辦皇帝服通天冠

絳紗袍乘輦以出思文殿降自西階宮架樂作至小次

降輦入次樂止禮直官太常博士引太常卿詣次前北

向悅伏跪奏稱太常卿臣某言請皇帝就耕藉位奏訖

悅伏興退復位簾卷宮架樂作凡太常卿奏請皆悅皇

帝出次太常卿閤門官太常博士禮直官前導皇帝至

褥位南向立樂止禮直官太常博士引太常卿詣皇帝

褥位前俛伏跪奏稱太常博士卿臣某言請皇帝行耕

耜之禮奏訖俛伏興退復位禮直官引耜田令進詣御

耒耜席南北向禮直官次引司農卿詣耜田令之東西

向耜田令俛伏跪耜笏執事者

謂太常卿司農寺卿後准此

以耜授

耜田令耜田令解耜出耒耜耒與東向立以耒授司農

卿司農卿耜笏受耒耜耜田令執笏稍退司農卿以耒

耜受侍中禮直官引侍中耜笏執耒詣御耕位前少東

北向太常卿奏請皇帝受耒耜侍中執耒耜執耒耒耒耒

執侍中進訖執笏少退立皇帝受耒耜宮祭樂作三推

禮耕從訖樂止侍中耜笏前受耒耜侍中以耒耜復

授司農卿司農卿搢笏授耒耜以耒耜授耜田令各執
笏退復位耜田令搢笏受耜跪復耒于耜執耒興以授
執事者執笏退復位侍中受耒耜跪復耒于耜執耒興以授
耕諸執耒耜者以耒耜各授從耕者禮直官太常博士
引太常卿詣御耕位前北向奏請皇帝升壇觀耕奏訖
復位立前導官前導皇帝升觀耕壇耕耜位宮祭樂
作至壇下樂止升自午階登歌樂作即御座南向樂止
太常卿閤門官太常博士禮直官立于御幄之前北上
禮直官從耕三公三少宰相親王使相各搢笏執耒耜
宮祭樂作行五推之禮訖樂止執耒耜者前受耒耜各
執笏退復位次禮直官引執政官侍從兩省臺諫各搢
笏執耒耜宮祭樂作行九推之禮訖樂止執耒耜者前

受耒耜各執勞退復位次禮直官引司農少卿帥庶人

以次耕于千畝

自東自西復
四耕至本位

俟耕畢俱退復位訖禮直

官引侍中詣觀耕壇上御座前北向俛伏跪奏稱侍中

臣某言禮畢奏訖伏俛興引降復位禮直官引耕耜使

升觀耕壇卯階詣御幄前稍東西向立四方館引陪耕

耆老詣觀耕壇下北向立先兩拜訖直身立初引耆老

禮直官引樞密升觀耕壇卯階詣壇上午階上之東西

向立次引樞密都承旨詣壇下耆老之前北向立禮直

官引樞密詣御座前北向躬承旨退詣午階上之東西

向立宣制訖退復位樞密都承旨躬承訖直身立轉身

西向四方館揖耆老躬身樞密都承旨傳旨宣勞訖耆

老再拜訖樞密都承旨耆老皆退復位有司進輦于午

階之下北向皇帝降座登歌樂作至壇下升輦樂止宮
架樂作至思文殿後閣簾降樂止侍中奏解嚴侍耕從
耕群官等皆退奉青箱官以青箱授耜田令耜田令以
青箱授司農卿司農卿奉青箱種耜之種迄耕所播之
訖次司農少卿帥太社令檢校終千畝次司農卿省功
訖詣思文殿下北向俛伏跪奏司農卿臣某言省功畢
奏訖俛伏興退所司放仗以俟皇帝常服還內侍衛如
來儀

中興禮書第一百三十九卷

吉禮一百三十九

先農有司行事

紹興七年六月二日禮部太常寺言太常博士黃積厚
劄子奏今大祀之未舉者如煢惑大蜡之類中祀如嶽
瀆農蠶之類小祀如司中司命之類或為國解禳或為
民祈報而神人相依之道實不可廢欲望特降睿旨下
有司條舉而行之詔令禮部太常寺同共條具申尚書
省契勘未舉大中小祀三十有九今欲先次舉大小中
祀數內孟春吉亥日饗先農乞自來春令行宮太常寺
依見今祀五方帝例差官排辦施行詔依紹興三年祀
五方帝祀例
差一級官說一蓬一
豆用酒脯計見本門

紹興八年九月二十四日禮部太常寺言據太史局契勘孟春吉亥日饗先農按本局經法孟春月內無吉亥之日其係亥日并係凶日乞照會施行檢准紹興七年九月二十九日勅節文禮部太常寺契勘紹興八年孟春吉亥日享先農其正月十二日己亥即非吉亥日次正月二十四日辛亥已是二月節氣難以作孟春之月況又有礙國音今欲乞權用正月十二日乙亥日行事詔依契勘前項指揮即不該載今後之文今欲乞自今後遇選饗先農時日如孟春月內無吉亥日即乞依前項禮例止用孟春月內上辛後亥日行禮詔依

乾道四年九月二十九日禮部員外郎李壽言臣聞藝祖受命凡前代祭祀之廢墜者皆以次興舉而嶽瀆為

最先建隆二年夏旱即命近臣告嶽鎮海瀆於北郊兩
足報賽如禮豈不以嶽鎮海瀆實司水旱於民猶親者
乎至於真宗遂加上五嶽帝號仁宗奉祭祀日嚴有增
无虧元豐政和彌文綢儀日講月論但有過無不及也
建炎渡江固不遑暇至紹興間舊典悉已復行其未復
者但餘嶽鎮海瀆先農先蠶風雨及雷師等八九所耳
嶽鎮海瀆農蠶風雨自周禮則已有之非後代率意所
創今遇其時但告以酒脯切恐交於神明之道有所未
備臣去冬嘗具劄子乞朝廷畫復舊典至今未蒙施行
^切觀夏秋以來雨暘猶失其節陛下蔬食致齋一念照格
无不立應然外方頃或以水災為言者臣切以為此五
行傳所謂水不潤下謹按五行傳簡宗廟不禱祠逆天

時則水不潤下今陛下奉宗廟無違有司稍失其職黜責隨之非簡宗廟也蔬食薦誠天應如饗非不禱祠也而發號令亦未聞有違天時者顧此咎諠殆不可曉意嶽鎮海瀆先農先蠶風雨及雷師祭祀久闕乎臣願特降睿旨令有司並復舊典亦以明陛下專意為民非有所受而憚行禮也詔依十月十一日祀部太常寺官儀係中祀其合左行事官并乞令太常寺依見今中祀禮制報所屬施行又乞下詔安府修樂棣田廟合充望六處并修官發齋位次等其合用樂章乞從太常寺報秋書省修撰降下本寺運諸教習施行所有合用樂歌樂祭依大樂汎蘇月律牌等就用本寺見管樂架使用詔依

饗先農儀

時
日

太常寺預於隔季以立春後亥日饗先農闕太史局以

其日報太常寺酌訖具時日散告

齋戒

前饗五日應行事執事官散齋三日治事如故宿於正寢不弔喪問疾作樂判書刑殺文書決罰罪人及興穢惡致齋二日光祿少卿太官令毋一日一日於本司唯饗事得行其餘悉禁前饗一日質明俱赴祠所齋宮官給酒饌饗官已齋而闕者通攝行事

陳設

前饗三日儀鸞司設行事執事官次于壇壝門之外及祠所齋舍隨地之宜前二日太常牽牲詣祠所前一日設牲省位于卯階之東又陳禮饌于卯階東內壝外設牲饌位版於禮饌之南三獻官在南北向西上監察御

史在西東向光祿少卿奉禮郎太祝太官令在東西向

北上凡設未祀即以太常設登歌之樂於壇上稍南北

向饗日丑前五刻禮直官贊者諸司職掌各服其服太

常設神位席以太史設神位版帝神農氏位于壇上北

方南向后稷氏於壇上東方西向太常陳幣篚各于神

位之左青幣以祝版各于神位之右置于坫次設祭器皆

籍以席光祿實之每位左十蓮為三行以右為上第一

組在前乾乾次之魚鱸次之第二行鹿脯在右十豆為

三行以左為上第一行非在魚在前兔在次之第三

行版在鹿在前脯在次之第三

端兩肩在中一在豆前實以羊七又俎六在豆右為

次之脊在中一在豆前實以羊七又俎六在豆右為

三重以北為上第一重肺三實以羊七又俎六在豆右為

三胃三又俎六在豆右為

定以承殿前九橫第第二重一實以羊豕
 以取象其長如殿第三重一實以羊豕
 脚脫胎正脊一直脊一橫脊一長脊一短脊一代脊一
 皆二骨以并肩臂膊在上端脊脊在中一
 在左取右若配位則以東為上登一在遷豆間大羹
 釧三在登前加毛滑槃一在釧前毛血簋二簋二於遷
 豆外二俎間盥在左盥在右盥是以黍稷粢在棊前登
 一在遷前肝設著尊二壺尊二在神位前明水一寔
 醴齊文尊一定盞皆有玷加勺幕為酌尊次設太尊二山
 明水一定盞皆有玷加勺幕為酌尊次設太尊二山
 尊二犧尊二象尊二于其次山尊一定盞皆有玷加勺
 犧尊一定盞皆有玷加勺幕為酌尊次設太尊二山
 尊一寔盞皆有玷加勺幕為酌尊次設太尊二山
 要太常設燭於神位前洗二於卯階之東內境之外三
 獻官在南北向西上監察御史奉禮郎太祝太官令在
 北南向西上開瘞坎于子階之北壬地方深取足容物

南出陞設望座位於其南三獻官在南北向西上監察御史在西東向奉禮郎太祝在東西向北上又設三獻官席設卯階之東西向北上監察御史于午階之南北向奉禮郎太祝太官令位其後西上光祿少卿席位于監察御史之東北向又設監察御史位于壇上樂簾之北在西東向奉禮郎太祝在東西向北上太官令於神位酌尊所俱北向

省牲器

前饗一日行事執事者集初獻齋所肆儀太祝習讀祝文祇燭幣等訖次禮直官贊者分引行事執事官詣東壇門外省牲位凡初獻行事官皆贊者引三獻在南北向西上監察御史以下在北南向西上禮直官贊揖訖請

省牲太祝出班巡牲一臣詣初獻前西向躬曰充退復位太官令出班巡牲一臣詣初獻前西向躬曰膾退復位禮直官贊省牲畢揖訖引行事執事官就省饌位立定禮直官贊揖所司省饌具畢禮直官饌省饌畢揖訖俱還齋所次引監察御史詣厨省錢貶祭器滌溉乃還齋所未後一刻太官令帥宰人以鬻刀割牲祝史以槃取毛血置于饌所遂烹牲脯後有司率其屬掃除壇之上下訖還齋所

行事

饗日丑前五刻行事用丑初獻以下並赴壇所就次太官令帥其屬寔饌具畢次引光祿少卿入詣午階之南席位北向立贊者曰再拜光祿少卿再拜升自卯階行

自升階皆點視禮饌畢次引監察御史升壇點閱陳設

糾察不如儀者凡點視及點閱皆先詣正位次樂人帥工人升卯階

各入就位光祿少卿還齋所餘官各服祭服次引行事

執事官詣卯階東揖位立定禮直官贊揖次引監察御

史奉禮郎太祝太官令入就午階南席位北向立次引

三獻官入就卯階東席位西向立禮直官稍前贊有司

謹具請行事凝安之樂作三成止贊者曰再拜在位官

皆再拜次引監察御史奉禮郎太祝太官令俱升壇各

就位立定太官令就正位的尊所次引初獻詣盥洗位北向立搢

笏盥手悅手執笏將升壇同安之樂作凡初獻升壇行止皆作同安之

樂升詣帝神農氏神位前北向立樂止明安之樂作搢

笏跪次引奉禮郎搢笏西向跪執事者以幣授奉禮郎

奉禮郎奉幣授初獻執笏興先詣后稷氏神位前東向

立

酌獻指北位准此

奠幣如上儀樂止奉禮郎復位初獻將降

壇樂作復位樂止次引太祝詣帝神農氏神位前東向
立少頃引初獻再詣盥洗位北向立搢笏盥手悅手執
笏詣爵洗位北向立搢笏洗爵拭爵以爵授執事者執
笏將升壇樂作詣正位酌尊所西向立樂止成安之樂
作執事者以爵授初獻初獻搢笏跪執爵執爵者舉罍
太官令酌著尊之醴齊訖先詣配位酌尊所北向立初
獻以爵授執事者執笏興詣帝神農氏神位前北向立
搢笏跪執事者以爵授初獻初獻執爵三祭酒奠爵執
笏俛伏興少立樂止太祝東向搢笏跪讀祝文讀訖執
笏興先詣后稷氏神位前南向立初獻再拜次詣后稷

氏神位前酌獻并如上儀樂止太官令復詣正位酌尊
所太祝復位初獻將降壇樂作復位樂止次引亞獻詣
盥洗位北向立搯笏盥手悅手執笏詣爵洗位北向立
搯笏洗爵拭爵以授執事者執笏升詣正位酌尊所西
向立成安之樂作執事者以爵授亞獻亞獻搯笏跪執
爵執尊者舉畢太官令酌壺尊之所盥齊亞獻以爵授
事者執笏興詣帝神農氏神位前北向立搯笏跪執事
者以爵授亞獻亞獻執爵三祭酒奠爵執笏悅伏興少
退再拜次詣后稷氏神位前行禮并如上儀樂止降復
位次引終獻詣洗及升壇行禮並如亞獻之儀降復位
禮直官曰賜胙贊者承傳曰賜胙再拜在位者皆再拜
送神凝安之樂作一成止次引三獻官詣望瘞位有司

詣神位前取幣祝版置於瘞坎次引監察御史奉禮郎
太祝詣望瘞位立定禮直官曰可瘞置土半坎次引初
獻以下詣卯階東揖位立禮直官贊禮畢揖訖退太官
令帥其屬徹禮饌監察御史詣壇監視收徹訖退

中興禮書第一百四十一卷

吉禮一百四十一

車駕幸太學一

紹興十三年九月十二日禮部言准八月十六日勅國子司業高闕等上表言治先復古渙周室之文章時際投戈講漢家之道藝聲興黌宇寅奉晬容待屬車之清塵增橋門之榮觀中謝切惟二帝無為而治孝弟所先三王有道之長庠序惟謹欲流化於天下在首善於京師今累朝銳意六經始建隆垂拱之際建先帝留心兩學盛大觀宣和之間迄今美談號為偉績而況山河夷靖天地廓清方膺奠杭之期重撫迓衡之運豈惟一日還豐鎬之典刑將四方變重華之風俗恭惟皇帝陛下

神心微妙聖學精深躬行夙契於欽明意造潛通於淵懿謂化民而成俗必建學以恢儒宸翰揭名講徽宗之故事素王寓像體秘閣之珍藏美哉輪奐之工儼若廟溫之氣俾諸生之歆謂命相臣以奉安鏘環佩之聲和叶英莖之雅奏已瞻犧畫識雲漢之昭回未拜龍光見天顏於咫尺伏望動冕旒之凝粹鑒韋布之忱恂下明詔以涓期戒有司而歲事百靈効職衛華蓋以安行多士傾心仰皇與之夙駕特賜風雷之令不遺草木之情臣聞等無任瞻天望聖激切屏營之至又太學錄祖逢清等上表言修文偃武再逢學校之興就日瞻雲咸俟鑾輿之幸念天顏不遠於咫尺思漢官復見於威儀中興竊以時方盛於迂衡事莫先於講藝禮制樂作政將

格於神明俗易風移心本教於教化觀賢闕之肇建喜
道粵之垂窺來鼓篋者幾六千人與摠衣者僅三百輩
仰參營室聿昭上國之光儼列勾陳尚鬱諸生之望願
舉臨雍之禮試瞻在鎬之容恭惟皇帝陛下道冠百王
政先五學將脩明於經術用作新於人材遠求漢唐之
聞近取祖宗之故事湖山外列拱宸翰之昭回堂奧中
巖仿京都之崇麗奉祀借師臣之重賜書增儒者之榮
凡屬來遊莫不改觀臣逢清等薰陶聖化絃誦儒宮顧
跡遠於朝儀恨未日瞻於天仗戒期涓日願揚萬乘之
和鸞灑道清塵佇聽玉聲之警蹕臣逢清等無任瞻天
望聖激切屏營之至 詔令禮部討論申尚書省尋下
國子監太常寺檢照祖宗典故討論下項 一國子監

討論到事件 一許監學生先拜表 一學士院降勅

書 一幸學日謁文宣王廟 一幸學觀監 一視學

講經 一幸學頒示御筆手詔 一御筆贊文 一臨

幸學舍 一太常寺討論事件 一建隆二年十一月

九日三年正月二十五日並幸國子監謁文宣王廟

一四年四月六日幸文宣王廟閱土木之工 一太平

興國四年二月二十一日端拱元年八月二十六日淳

化五年十一月十七日天聖二年八月二十四日慶歷

四年五月十一日並幸國子監謁文宣王廟右禮部勘

合國子監太常寺討論前項祖宗臨太學禮例開具在

前取自朝廷指揮詔令禮部指定見今合舉行事節申

尚書省十四年正月十九日禮部言今據國子監太常

寺指定合舉行事下項 一宣和四年園子祭酒章壽隆等上表陳請車駕幸太學奉聖旨依請令學士院降勅書 一今來所講經并合差執經官及視學章齋並合取自朝廷指揮太常寺指定一依禮例合擇日先詣至聖文宣王位前行酌獻之禮畢次視學 一酌獻合用祭器係本寺排辦禮料係本寺牒所屬 一前導等官俱本寺具窠目前期申請陪祀官乞從御史臺閣門申請詔依淳熙四年幸學並如此制

正月二十六日尚書省劄子車駕太史局供到狀宜用

二月二日癸未吉詔依

後為值雨及春補試相妨改用三月十八日己巳吉詔依

同日太常寺言車駕幸學今叅酌條具到合行事件

一合用御封香一合合差進書案牙籤並以書受執經

官及捲簾侍香內侍官並乞下入內侍省差 一於

廟殿之東南向合設御幄並奏請紫褥及殿上設黃羅

拜褥敦化堂後設御幄並儀鸞司排辦合用慢道乞令

臨安府修築 一欲乞令應奉官司將帶應奉人於幸

學前一日習儀於學 一欲乞幸學次日百司作歇泊

休務假一日詔依

淳熙四年幸學並如此制

正月二十八日國子監言執經官一員合差禮部長貳

講經官一員合差國子司業依祖宗典命官所講經書

乞降下以憑闕報講筵所詔依仍講周易泰卦同日太

常寺言幸學合差太常寺卿一員贊導奏請皇帝行事

乞依例差本寺少寺合差太常博士一員贊引太常卿

乞差本寺博士進爵酒侍臣一員乞差兩省給舍酌太

官令一員乞差本寺丞博士分奠官一十員贊引太常
依儀差禮祠部郎官太常寺國子監太學官乞令本寺
申闕前項所差如不足乞牒秘書省差官詔依二月一
日尚書省言車駕幸學日依宣和四年例合降手詔詔
令學士院脩撰

紹興十三年三月己巳上幸太學勅仰惟祖宗崇儒重
道樂育群才開太平之原而收至治之功成憲具存掩
跡前古朕夙興夜寐思所以紹休聖緒措世隆平昌運
有開兵革偃息宗社享再安之慶寰區奠枕之祺典章
載新禮樂具舉屬賢厚俗寔維其時廼深詔攸司肇建
太學參稽貽典輯為成書肆因燕閒親御翰墨搦殿閣
之珍榜刻經子於堅珉誠意既孚四方風動下逮郡邑

絃歌相聞茲發臨雍之上儀式踵列聖之垂訓延見多
士昭示至懷爾其務尊所聞益審厥習進脩不怠期於
崇成以稱朕教養作新之意顧不韙與故茲詔示想宜
知悉

二十一日宰臣秦檜言臣仰惟陛下圖回中興十有八
年獨修冑中之誠以詔受上帝之命文德誕敷干戈載
戢詔創建國學於駐蹕之地遴選師儒廣開齋舍增弟子
員數以加惠多士者甚厚迺甲子歲三月己巳祇謁
先聖止輦於大成殿門外降登步趨執爵奠拜注視貌
像翼翼欽慕復覽李唐明皇及我太祖真宗徽考所製
贊文命有司悉取崇祀諸贊併錄以進遂幸太學御教
化堂頒手詔示樂育詳延之誠意命國子司業高閔講

周易泰卦賜群臣諸生生坐垂聽經說首肯者再三賜閱
三品章服及執經監學官內外舍生推恩有差禮畢復
遷玉趾俯臨養正持志二齋顧瞻生徒肄業之所徘徊
久之始命駕言還臣竊惟生靈厭苦兵革乃遇陛下作
之君師禮行於一日之間而四方萬里之遠聞風鼓舞
莫不回心而嚮道服陛下躬化之禮乃在斯舉臣不勝
慶幸伏乞宣付史館仍許拜表稱賀詔依故事

淳熙四年二月一日詔今月五日謁太學祇謁先聖合
行儀注令有司限一日申尚書省

二月二日禮部太常寺言車駕幸學合差贊導太常卿
並贊引太常博士進爵酒侍臣及酌酒太官令分奠官

詔依

分奠官十員係
禮部等處差

二月三日國子監言車駕幸學日合降手詔及幸齋臨時聽旨等並乞依紹興故事施行詔依

同日國子監言檢照太上皇帝引學禮例合差執經官各一員並合講經書乞前期降下施行詔依仍備禮記中庸篇凡為天下國家有九經一段

同日講筵所奏車駕幸學至日御敦化堂進講經書乞依興紹十四年例其正經止用印本籤貼起止進讀畢以次奉設繕寫講義進講于卷首畧題篇目更不書正文詔依

淳熙四年二月十九日國子祭酒林光朝劄子車駕臨幸太學御敦化堂賜生詔書光朝已率諸生拜賜訖竊惟三王四代莫不視學為先務下建漢唐治定之時悉

皆舉行故事肆藝祖肇脩人紀首舉太學逾月又幸聖
謨宏遠謂非學校禮文之事不足以一變強梗而措世
於平泰之域二百年來如出一轍太上皇帝於投戈息
馬之日禮酌獻光朝於是時幸而預諸生得以身親見
之明天子觀會以行典禮乘輿夙駕莫不待望獎勵多
士具于訓詞此為當世甚盛之舉是宜刻之琬琰以風
動欲望朝廷特賜敷奏俯從諸生之請以彰熙代崇儒
勵俗之意詔依既而上曰光朝兩經幸學前日講義甚
好如訓釋凡為天下國家有九經所以行之者一也一
乃中庸此說深得聖人之旨蓋先儒所未及適未曾得
獎諭他旦夕當遽除茂良等同奏光朝老儒一時學者
之所宗仰如蒙進擢深合公議

幸學儀注

陳設

前期儀鸞司設御幄於廟殿之東南又設皇太子以下
幕次於門外稍西量地之宜其日閣門御史臺太常寺
設陪祀官班於殿下太常設祭器於至聖文宣王神位
前次實之左邊一虎寔以右實一虎寔以爵一在酒尊所犧
尊一在殿上前楹間寔以設香爐於神位前又設配
位及從祀位每位各左邊一虎寔以右豆一虎寔以爵一在
邊豆前共設象尊四寔以一設於殿上前楹東一設
於前楹西其二分設於兩廡階北設大官令位於至聖
文宣王酌尊所北向

酌獻

前其日後殿行門親從等並逍遙平輦下人排立如儀

入內官唱排立閣門報引知閣門官並簿書官宣贊舍

人已下提點同提點承受兼祇應權撥班祇應並脩注

樞密院諸房逐房副承者諸司祇應官並執笏內御筆

公服一班關班西北立定次引管軍并穿衣者一班於

殿下東北面西立次報引從駕使相執政侍從正任并

韓笏於殿下分東西立次相向立定皇太子內中起居

閣門奏班齊皇帝服執袍出殿下鳴鞭行門等並樂人

並迎駕常起皇帝坐舍人揖知閣門官以下宣名常起

居訖訖讀奏目知閣門官升殿設餘官並分出次舍人

分引從駕官一班關班宣名常起居執事如有之餘並出

次管軍一班宣名常起居訖退皇帝升輦鳴鞭輦降東

堦出後殿門作樂引駕出北宮門將至大成櫺星門禮

部太常寺官并國子監學官並執及學生並迎駕常起

居駕入大成殿櫺星門至大成殿門降輦鳴官禮直官

太常博士太常卿閣門官並前導皇帝入幄簾降前導

官立于幄前西向知閣門官已下并管軍御帶環衛官

閣門御史臺太常寺分引使相執政侍從正任脩注並

國子監學官于殿下北向立定次閣門引皇太子於殿

下北向立定次閣門報奏班齊禮直官太常博士引太

常卿詣御幄前俛伏跪奏太常卿臣某言請皇帝行酌

獻之禮奏訖俛伏興復位簾捲閣門官禮直官太常博

士太常卿前導皇帝出幄升自東堦詣至聖文宣王神

位前太常卿奏請皇帝上香再香上三上香侍臣執爵

詣酒尊所跪太官令搯笏跪執酌酒訖侍臣興詣至聖
文宣王神前跪以爵酒進皇帝跪受爵三祭酒奠酒俛
伏興太常寺卿奏請拜皇帝再拜贊者曰拜在位官皆
再拜前導官前導皇帝降自東階歸御幄簾降禮直官
太常博士引太常卿詣御幄前俛伏跪奏太常卿臣某
言禮畢奏訖俛伏興復位皇太子以下陪位官等並退
皇帝乘輦赴太學如別儀次引分奠官如常儀

視學

其日視俟皇帝於文宣王廟酌獻禮畢皇太子已下並
退御幄簾捲皇帝出幄升輦鳴鞭乘輦幸太學至敦化
堂上降輦鳴鞭歸御幄俟進早膳畢有司排備入內官
喝排立先引國子監學官並學生於敦化堂下分東西

相向立次引執經官講書官於堂下東壁面西立次閣

門太常寺分引使相執政官已下并常例赴坐官並公服繫

鞋管軍官窄衣著靴執骨朶一班北向立定次閤門引

皇太子北向立次引知閤門官已下并簿書官軍贊舍

人皇太子并脩注樞密院諸房逐房副承旨諸司祇應

官并公服繫鞋御帶環衛官並幹辦皇城司官並窄衣著靴於

大班前閤班面北立定閤門官奏班齊皇帝出鳴鞭行

門禁衛諸班親從并入內省執骨朶使臣並迎駕奏萬

福皇帝坐舍人揖知閤門官已下躬宣名奏萬福訖當

祇應官各歸祇應位知閤門官並脩注由東階升堂侍

立不當祇應宣贊舍人已下殿下侍立御帶衛官並皇

城司官及不當祇應諸司官並退次舍人揖皇太子已

下並常例赴坐官躬宣名奏萬福訖直身立知閤門官
當御前躬承旨訖於堂上臨階西立宣曰升堂舍人揖
躬贊各就坐贊拜兩拜訖贊就坐分引升堂席後立次
引執經官一班北向立舍人揖躬奏萬官該宣名訖直
身立知閤門官升堂舍人揖躬贊拜訖直身立執經官由東階
議書官由西階並升堂於御前分立次引國子監學官并學生
一班面北立定奏萬福訖舍贊各就位贊兩拜訖贊就
坐分升兩廊立入內官進書案入內官以經授執經官
進於案上堂上舍人贊就坐皇太子已下及兩廊國子
監學官並學生並躬身應諾訖就坐候講書畢入內官
徹書案堂上並兩廊官等並起舍人分引皇太子已下
降旨分東西相向立執經官降東階如有恩旨御前傳旨簿書官承旨傳

與舍人謝恩兩拜訖歸本班如無恩旨降階歸本班講書官當御前躬身致詞訖

降東階北向立舍人揖躬贊拜訖如宣答御前降階宣

別有恩旨傳旨謝恩御藥堂上傳旨宣坐賜茶知閣門

官承旨傳與舍人舍人承旨分引皇太子已下并常例

赴坐官一班北向立定舍人贊各就坐贊拜兩拜訖贊

就坐分引升堂席後立舍人分引國子監學官并學生

一班北向立舍人贊各就坐贊拜兩拜訖贊就坐分升

兩廊立定堂上舍人贊就坐皇太子以下並兩廊並躬

身應諾訖就坐茶至贊喫茶並起躬身應諾訖就坐吃

茶畢舍人揖起分引降階北向立贊拜兩拜訖贊各祇

候分出次舍人分引兩廊國子監學官以下一班赴堂

下北向立贊拜兩拜訖贊各祇候分出如有推恩御藥

傳旨簿書官承旨逐班謝恩如儀畢俟學生出絕皇帝
起乘輦還內如來儀

紹興儀注

太常設祭器于神位前光祿次實

之左遷一寔以鹿脯右豆一寔以鹿齏爵一在酒尊所
犧尊一在殿上前楹間實以供內法酒又設配位及從
祀位每位各左遷一實以鹿脯右豆一寔以鹿齏爵一
在遷豆前共設象尊四實以祠祭法酒一設于殿上前
楹東一設於前楹西其二分設於兩廡階又設太官令
位於酌尊所北向其日皇帝服御袍乘輦將至禮部祠
部郎官太常本監并太學官學生迎駕起居車駕由國
子監門入至御輦降輦

紹興儀注車駕至大
成殿門降輦

皇帝歸御輦禮直官太常博士太常卿立于御輦前東

向禮直官通事舍人引宰臣親王開府儀同三司執政
官御史臺大常寺閤門引尚書侍郎兩制侍從殿中監
以上宗室正任以上武臣觀察使以上起居郎舍人講
筵官禮部祠部郎官太常本監太學官各人詣殿廡北
向重行立定閤門報班齊太常卿詣御前俛伏跪奏太
常卿臣某言請皇帝行酌獻之禮奏訖俛伏興簾捲禮
直官太常博士太常卿前導皇帝出幄升自東階詣文
宣王神位前太常卿奏請皇帝跪又奏上香再上香三
上香侍臣執爵詣酒尊所太官令酌酒以授侍臣侍臣
跪以爵進皇帝受爵三祭酒奠爵俛伏興太常卿奏請
拜皇帝再拜贊者曰拜在位官皆再拜太常卿前導皇
帝降自東階歸御幄簾垂太常卿詣御幄前俛伏興跪

奏太常卿臣某言禮畢奏訖俛伏興簾捲皇帝出帷乘輦赴太學如別儀禮部郎官太常丞博士及本監太學官分詣殿上配坐十哲及兩廊從祀分奠如常儀所司豫於教化堂之後設次一又設次一於堂上稍北當中門南向內鋪御座又設宰臣親王門府儀同三司執官以下至殿中監及觀察使宗室正任以上并起居郎舍人講筵講書執經官禮部祠部郎官太常太監并太學官座于御座之南東西重席異位太學學生座于東西廊俱東西向並北上又設宰臣以下從官次于中門之外至日皇帝於文宣王廟酌獻禮畢乘輦幸太學入至教化堂上降輦入次簾垂更衣襍頭義襴禮直官通事舍人引預講官皆繫鞋侍立官同入就堂下北向位講

經官學生各立於堂下東西相向立俟閣門報班齊皇帝出次升御座班首奏聖躬萬福應在位官皆躬身應喏訖閣門使詣御座前承旨臨街西向宣升堂訖退通事舍人唱拜宰臣親王開府儀同三司執政官尚書侍郎兩省侍從官殿中監以上及禮部祠部郎官太常本監本學官重行北向再拜訖分左右升堂各就位後少立起居郎舍人分左右侍立禮直官通事舍人引講書官及執經官就北向位班首奏聖躬萬福閣門使宣升講經舍人唱拜講書及執經官在東西相對學生就北向位舍人唱拜在位者俱再拜分立於東西兩廊皆北上內侍進書案內侍以經授執經官前進於安上舍人唱就坐宰臣以下並坐

其堂座位圖
令閣門使進

講書官講畢通事